

Na osnovu člana 38. stav (1) Ustava Kantona Sarajevo, Amandmana XXXII na Ustav Kantona Sarajevo, ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 31/04), čl. 67. i 68. Zakona o budžetima u FBiH ("Službene novine Federacije BiH", br. 102/13, 9/14, 13/14, 8/15 i 9/15), čl. 40. i 41. Zakona o dugu, zaduživanju i garancijama u FBiH ("Službene novine Federacije BiH", br. 86/07, 24/09 i 44/10) i Poglavlja II. tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11), Skupština Kantona Sarajevo na sjednici, održanoj dana 30.03. 2016. godine, donijela je

ODLUKU

O PRIHVATANJU ZADUŽENJA KANTONA SARAJEVO PO UGOVORU BROJ 1. O AMANDMANU NA UGOVOR O ZAJMU POTPISAN 27. OKTOBRA 2011. GODINE IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD), ZA PROJEKAT GRADSKIH SAOBRAĆAJNICA

I

Prihvata se zaduženje Kantona Sarajevo (u daljem tekstu: Kanton) za dodatni iznos zajma kod Evropske banke za obnovu i razvoj (u daljem tekstu: EBRD), po Ugovoru broj 1. o Amandmanu na Ugovor o zajmu potpisan 27. oktobra 2011. godine između Bosne i Hercegovine i EBRD, u iznosu od 6.000.000,00 EUR, za nastavak finansiranja Projekta gradskih saobraćajnica, prema uslovima utvrđenim u osnovnom Ugovoru o zajmu.

II

Sredstva zajma iz tačke I. ove odluke koristit će se za nastavak finansiranja Projekta gradskih saobraćajnica, a upotrijebit će se u svrhu proširenja i za modernizaciju dionice Južna longitudinalna.

III

Zaduženje se odobrava Kantonu Sarajevo u formi vanjskog indirektnog duga, pod sljedećim uslovima:

- rok otplate 10 godina (20 otplata, od 15.02.2017. do 15.08.2026.)
- kamatna stopa 6 mjesečni Euribor + 1% marža,
- dospijeca polugodišnja (15.02. i 15.08.), u jednakim ratama,
- jednokratna provizija 1% na iznos zajma,
- visina provizije na neiskorištena sredstva..... 0,5% godišnje.

IV

Potvrđuje se da je razmatrana dokumentacija prihvatljiva za Kanton:

- Zapisnik sa pregovora sa EBRD, održanih dana 10.03.2016. godine,
- Nacrt Ugovora o Amandmanu broj 1 na Ugovor o zajmu potpisan 27.10.2011. godine između Bosne i Hercegovine i EBRD,
- Nacrt Ugovora o Amandmanu broj 1 na Ugovor o podršci zajma potpisan 28.03.2013. godine između Federacije BiH, Kantona i EBRD-a,
- Nacrt Ugovora o Amandmanu broj 1 na Projektni Ugovor potpisan 31.10.2011. godine između Ministarstva saobraćaja Kantona - Direkcije za puteve Kantona i EBRD-a,

V

Zajam iz tačke I ove odluke, prenijet će se na Kanton potpisivanjem Ugovora o Amandmanu broj 1 na Podugovor o zajmu potpisan 23.09.2013. godine, između Federacije BiH i Kantona. Navedenim Ugovorom o Amandmanu broj 1 na Podugovor o zajmu, Federacija BiH će prenijeti prava i obaveze na Kanton pod istim uslovima, a u skladu sa odredbama Ugovora o Amandmanu broj 1 na Ugovor o zajmu.

U periodu implementacije Projekta, u budžetu Kantona Sarajevo potrebno je osigurati finansijska sredstva za

sufinansiranje: rješavanje imovinsko-pravnih odnosa, plaćanje PDV-a, carina i drugih naknada.

VI

Daje se saglasnost za zaključivanje Ugovora o Amandmanu na Podugovor o zajmu između Federacije BiH i Kantona i Ugovora o Amandmanu broj 1 na Ugovor o podršci zajma između Federacije BiH, Kantona i EBRD-a za kredit iz tačke I ove odluke.

Daje se ovlaštenje Premijeru Vlade Kantona da potpiše akte iz stava (1) ove tačke.

VII

Implementaciju Projekta vršit će Ministarstvo saobraćaja Kantona - Direkcija za puteve Kantona.

VIII

U svrhu redovne otplate zajma Kanton je saglasan da Federacija BiH, u slučaju neredovne otplate obaveza po zajmu bez upozorenja može dospjele obaveze direktno naplatiti sa računa javnih prihoda koji pripadaju Kantonu.

Kanton se obavezuje da će u svrhu naplate svih tražbina po ovom zajmu, Federaciji BiH dostaviti bjanko mjenice, kojim Kanton ovlašćuje Federaciju BiH da primljene bjanko mjenice može koristiti za naplatu dospjelih potraživanja.

IX

Za realizaciju ove odluke i izvještavanje zadužuju se Ministarstvo finansija, Ministarstvo saobraćaja - Direkcija za puteve Kantona, svako u okviru svoje nadležnosti.

X

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-10338/16
30. marta 2016. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", broj 1/96, 2/96, 16/97, 14/00, 4/01 i 28/04, 6/13), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 3. Odluke o osnivanju skupština kantonalnih javnih preduzeća čiji je osnivač Kanton Sarajevo ("Službene novine Kantona Sarajevo", broj 25/09, 22/11 i 1/13 i 21/14), Skupština Kantona Sarajevo na sjednici održanoj dana 30.03. 2016. godine, donijela je

ODLUKU

O POTVRDIVANJU IMENOVANJA PREDSEDNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA "GRADSKI SAOBRAĆAJ" D.O.O. SARAJEVO

I

Ovom odlukom potvrđuje se imenovanje predsjednika i dva člana Skupštine Kantonalnog javnog komunalnog preduzeća "Gradski saobraćaj" d.o.o. Sarajevo (u daljem tekstu: Skupština preduzeća) i to:

1. Poračanin Imer, predsjednik Skupštine
2. Hajdarević Denis, član Skupštine
3. Škrijelj Halid, član Skupštine

II

Skupština preduzeća iz tačke 1. ove Odluke imenuje se na period od dvije godine.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-10339/16
30. marta 2016. godine
Sarajevo

Predsjedateljica
Skupštine Kantona Sarajevo
Prof. **Ana Babić**, s. r.